

\*" মিষ্টি বাচ্চারা -- সমস্ত দুঃখী মানুষদের সুখী বানানো, এ একমাত্র বাবার দ্বায়িত্ব , তিনিই হলেন সবার সঙ্গতি দাতা\* ।"

\*প্রশ্ন :- বাবা তাঁর বাচ্চাদের চড়তি কলার জন্য কোন্ যুক্তি শোনান\* ?

\*উত্তর :- বাবা বলেন মিষ্টি বাচ্চারা - আমি যা তোমাদের শোনাই , তোমরা তাই শোনো । বাকি তোমরা যা শুনেছ তা ভুলে যাও কারণ সেই কথা শোনার জন্যই তোমরা নীচে নামতে থেকেছ\* ।

\*প্রশ্ন :- কোন্ গুহ্য রহস্য তোমরা বাচ্চারা বুঝতে পার, যার মধ্যে সমস্ত বেদ শাস্ত্রের সার এসে যায়\* ?

\*উত্তর :- ব্রহ্মার থেকে বিষ্ণু আর বিষ্ণুর থেকে ব্রহ্মা কিভাবে হয় , কিভাবে একজন অন্যজনের নাভি থেকে বের হয় , এই গুহ্য রহস্য একমাত্র তোমরা বাচ্চারাই বুঝতে পারো । এই হলো সমস্ত বেদ শাস্ত্রের সার\* ।

\*গীত :- হে প্রভু , নয়নহীনকে পথ দেখাও .....\*

\*ওম্ শান্তি\* । মিষ্টি - মিষ্টি অতি প্রিয় সিকিলধে বাচ্চারা তো এই অর্থ বুঝতে পারে । যদিও বাবার কাছে সমস্ত সৃষ্টির বাচ্চারা অবশ্যই প্রিয় । বাচ্চারাও জানে যে এই যে সমস্ত মানুষ এই পৃথিবীতে আছে তারা সকলেই পরমপিতা পরমাত্মার সন্তান । সকলেই এই ঈশ্বরীয় পরিবারের । পরিবারে সবথেকে বেশী ভালোবাসার সম্পর্ক বাবার সাথে হয় , যিনি এই বাচ্চাদের রচনা করেছেন । বেহদের বাবা বলেন যে , আমার প্রিয় , মিষ্টি - মিষ্টি সিকিলধে বাচ্চারা , তোমরা পাঁচ হাজার বছর পরে আবার এসে বাবার সাথে মিলেছো । কখন মিলেছো তোমরা ? এই সঙ্গম যুগেই । যখন বাবা এসে সমস্ত বাচ্চাদের অশান্তি থেকে শান্তির জগতে নিয়ে যান । শান্তির জন্যও কতো সম্মেলন করা হয় । সকলে একত্রে মিলিত হয়ে আলোচনা করে যেএই সৃষ্টিতে মহামারী কি করে বন্ধ হবে আর নিজেদের মধ্যে শান্তি কিভাবে আসবে । নাহলে সকলে নিজেদের মধ্যে লড়াই করে এই পৃথিবীর বিনাশ করে দেবে । এই বিনাশে মানুষ ভয় পায় । এই কথা মানুষ ভুলে গেছে যে বাবাই এসে সুখধাম অর্থাৎ আদি সনাতন দেবী - দেবতা ধর্মের পুনরায় স্থাপন করেন , যা এখনই হচ্ছে । তোমরা সকলেই এসেছো বেহদের বাবার থেকে বেহদের সুখের বর্ষা নিতে । তোমরা জানো যে বরাবর পরমপিতা পরমাত্মা এসেই এই আসুরী দুনিয়ার বিনাশ করান । বিনাশ তো অবশ্যই হতে হবে কারণ এই সময় সকল মানুষই খুব দুঃখী । কল্পে কল্পে এই হলো বাবার দায়িত্ব যে - যে সকল মানুষ দুঃখী আছে তাদের সকলকে সুখী বানানো । বাদবাকি যারা নিজেরাই দুঃখী এবং পতিত , তারা কেমন করে অন্যদের পবিত্র এবং সুখী বানাতে । এও সম্পূর্ণ দুনিয়ার কথা । এই গায়ন আছে যে -- সবার সঙ্গতি দাতা একজনই । হে পরমপিতা পরমাত্মা তুমি এসে আমাদের মতো পতিত মানুষদের পবিত্র বানাও । এই কথা তো সমস্ত ধর্মের লোকেরাই জানে যে এই ভারতেই দেবী - দেবতার রাজ্য ছিলো । এখন আর সেই রাজত্ব নেই । প্রাচীন ভারতের অনেক মহিমা ছিলো । ভগবান সবার প্রথমে স্বর্গ রচনা

করেছিলেন , সেই স্বর্গের মালিক কারা ছিল ? ভারত । এই ভারতে স্বর্গে সোনা , শীরের মহল ছিল । ভারতে অনেক সম্পদ ছিল । এখন এই কলিযুগের শেষে অনেক ধর্ম আছে । বাকি এই দেবতা ধর্ম প্রায় লোপ হয়ে গেছে । কাঙ্গাল মানুষ অনেক দুঃখী হয়ে পড়েছে । এখন এই বাবা বলছেন যে এই ব্রহ্মা দাদা তো জহরি ছিলেন , ইনি বলেন না , এই নিরাকার শিববাবাই এই ব্রহ্মার শরীরের মাধ্যমে বলতেন যে , ইনি নিজেও নিজের জন্ম কাহিনী জানেন না । তোমরা ব্রহ্মাকুমার , ব্রহ্মাকুমারীরাও তোমাদের জন্মকে জানো না । আমি এনার মধ্যে প্রবেশ করি এও এই নাটকের অঙ্গ । কিভাবে প্রবেশ করি এই প্রশ্ন কিন্তু নয় । বাবা বলেন যে আমার কোনো নিজের শরীর নেই । আমি একজন সাধারণ বুড়ো মানুষের শরীরে প্রবেশ করি । আমি এই ভারতেই আসি । এই ব্রহ্মাও নিজের জন্মকে জানতো না , আমি এসেই এনাকে সব বুঝিয়ে বলি । এই সবই বেহদের বানানো এক বড় নাটক । যেই প্রতিটা সেকেন্ড চলে গেছে সেই সবই আবার রিপিট হবে । এই বেহদের নাটকের রহস্য বাবাই বুঝিয়ে বলেন ।

বাবা বলেন যে যা কিছু দান পুণ্য তোমরা করে এসেছো , সেই সবই হলো ভক্তিমাগের । এর থেকে কোনো কিছুই প্রাপ্তি হয় না কারণ এই ভক্তিতে এখন আর কোনো শক্তি নেই । এই সব ছবি , যা বানানো হয়েছে , এ সবই পুতুল পুজো বলা হয় । ছবি বা মূর্তি বানানো , তাঁকে থাওয়ানো , পান করানো বা জলে বিসর্জন দেওয়া -- এ সবই হলো অবুঝের কাজ । যখন যন্ত্রের আয়োজন করা হয় তখন মাটির এক বড় শিবলিঙ্গ আর ছোটো ছোটো শালিগ্রাম বানানো হয় । এরা কার পুজো করছে তাও বোঝে না । বাবা আর বাচ্চারা এই সেবাকাজ করেছেন তাই তাঁদেরই পুজো হয় । শিবের লিঙ্গ বানানো হয় । তোমাদের বাচ্চাদের জন্য শালিগ্রাম বানানো হয় । তোমরা বাচ্চারা এখন ভারতকে পবিত্র বানানোর সেবা করে চলেছো । তোমরাই হলে প্রকৃত ঈশ্বরের সাহায্যকারী । তোমাদের বাবার সাথে প্রীতির সম্পর্ক আছে । তোমরা বাবার শ্রীমতে চলো তাই শ্রীমত ভগবত গীতা বলা হয় । ভগবান কোনো শাস্ত্র পড়বে না । কোনো ধর্ম স্থাপকও শাস্ত্র শাস্ত্র পাঠ করে না । তাঁরা ধর্ম স্থাপন করতেই আসেন । তাঁদের কাছে যে জ্ঞান থাকে তাঁরা তাই শোনান । এমন নয় যে ক্রাইস্ট এসে বাইবেল পাঠ করেছিলেন । না , তিনি এসেছিলেন কেবলমাত্র ধর্ম স্থাপন করতে । বাবা এসেই শ্রীমত দেন । শ্রীর অর্থ হলো শ্রেষ্ঠ মত । ভগবানের মতই হলো একমাত্র উঁচুর থেকে উঁচু মত । তোমরা বাচ্চারা এখন বাবার শ্রীমতেই চলো । বাবা বলেন বাচ্চারা , আমাকে স্মরণ করো । কেবলমাত্র দুটি অক্ষর । বাবা যখন খুব আদর করে বলেন , বাচ্চারা তখন তিনি হলেন বাবা আর আমরা সকলেই হলাম ঈশ্বরীয় পরিবারের সদস্য । এই কথাকারোর বুদ্ধিতেই থাকে না , এই ব্রহ্মাবাবার বুদ্ধিতেও ছিলো না । এখন বাবা এসে এনার দ্বারা বোঝান যে , এই সব যে মানুষ আত্মারা আছে , এই সকল আত্মাকেই আমাকে পবিত্র বানিয়ে ঘরে ফিরিয়ে নিয়ে যেতে হবে । আমি এই নাটকের নিয়ম অনুসারে আবার এসেছি তোমাদের ফিরিয়ে নিয়ে যেতে । এই শিব বাবাই আত্মাদের সাথে কথা বলেন । ব্রহ্মা বাবার আত্মাও তা শোনে । বরাবর এই শিব বাবাই আমাদের জ্ঞান দেন, তাঁর তো নিজের শরীর নেই । শ্রীকৃষ্ণের রূপ সম্বন্ধে সাধারণ বলা যাবে না । তিনি তো স্বর্গের প্রথম রাজপুত্র । কিন্তু দুনিয়ার মানুষ বলে যে শ্রীকৃষ্ণ ভগবান উবাচঃ । এ তো হতেই পারে না । কতো তফাত । সঙ্গম যুগে তো শ্রীকৃষ্ণ থাকতেই পারে না । নকল কৃষ্ণ তো অনেকেই আছে । কিন্তু আসল কৃষ্ণ তো সেই সত্যযুগেই হবে । কৃষ্ণের নামে দ্বিতীয় কেউই হতে পারে না । নাম তো অনেকেই রাখতে পারে । বাবা বলেন যে বাচ্চারা এই অন্তিম জন্মে পবিত্র হও তাহলেই পবিত্র দুনিয়ার স্থাপনে সাহায্য করতে পারবে । পবিত্রতা তো খুবই সুন্দর । অনেক বাচ্চারা এই জন্য মার খায় । অবলা মেয়েদের উপর অত্যাচার হয় ।

তারা লেখে যে , বাবা কি করবো , আমাদের এই বন্ধন মুক্ত করো । নাটকে দেখানো হয়েছিলো যে দ্রোপদীকে শাড়ি দেওয়া হয়েছিলো । একে এক গল্প বানানো হয়েছে । বাবা বলেন যে , এখন পবিত্র হতে পারলে ২১ জন্মের জন্য তোমরা কখনো বিবস্ত্র হবে না । ওই দুনিয়া হলো রামরাজ্য । মুখ্য বিকারই হলো অশুদ্ধ অহংকার এবং দেহ - অভিমান । দেহের ওপর মোহ থাকে । সত্যযুগে সবাই আত্ম - অভিমানী হবে । তারা বুঝতে পারবে আমরা পুরোনো শরীর ছেড়ে দ্বিতীয় শরীর ধারণ করবো । একেই আত্ম - অভিমানী বলা হয় । বাবা বলেন যে তোমরা সকলেই আত্মা , তোমরা এখন শিব বাবাকেই স্মরণ করতে থাকো কেননা এখন ঘরে ফিরে যেতে হবে । এই হলো আত্মাদের সত্যিকারের রুহানি যাত্রা । সবাইকে সুপ্রীম বাবার কাছেই যেতে হবে । মানুষ যখন তীর্থ যাত্রায় যায় তখন মুখে রাম রাম করতে করতে যায় । বাবা বলেন ঠিক তেমনই তোমরাও বাবাকে স্মরণ করতে থাকো । এখন সমস্ত দুনিয়া তো আর রাজযোগ শিখবে না । আগের কল্পে যারা এসেছিলেন তারাই আবার আসবেন । এখন আবার কলম লাগাতে হবে । দেবী দেবতা ধর্মের যে মিষ্টি ঝাড় ছিলো তা প্রায় লোপ হয়ে গেছে । বাকি তাদের ছবিই রয়ে গেছে । বট গাছের মতো দেবী দেবতা ধর্মের যে ভিত ছিলো তা আজ নষ্ট হয়ে গেছে । কেবল তাদের ছবিই রয়ে গেছে । কিন্তু তারা কে ছিলেন তা কেউই জানে না । নিজের ধর্ম সম্বন্ধেও তারা জানে না তাই হিন্দু ধর্ম বলা হয় ।

বাবা বলেন যে তোমাদের ভারত সর্বশ্রেষ্ঠ ছিলো । ধর্মের জন্য বলা হয় যে ধর্ম হলো এক শক্তি । এখন তো সেই দেবতা ধর্ম আর নেই । এখন এই ধর্ম আবার কিভাবে স্থাপন হবে । বাবা হলেন সর্বশক্তিমান , তাঁর থেকেই বর্সা পাওয়া যায় । শক্তিও তাঁরই থেকে মেলে । শিববাবাই হলেন এই সৃষ্টির বীজরূপ । আমরা হলাম তাঁর পরিবার । বাবাই হলেন সত্য , তিনিই চৈতন্য আর তিনিই হলেন জ্ঞানের সাগর । আত্মার ভিতরেই সবকিছু আছে । আত্মাই সবকিছু শোনে আর আত্মাই এই পড়া পড়ে । আবার এই আত্মার মধ্যেই খারাপ সংস্কার থাকে । এই সময়ে সকলের আত্মাই তমোপ্রধান হয়ে গেছে । সবথেকে বেশী তমোপ্রধান বুদ্ধি ভারতবাসীদেরই হয়েছে । আবার শ্রেষ্ঠর থেকে শ্রেষ্ঠ আত্মা এই ভারতেই ছিলো । তারাই এই স্বর্গের মালিক ছিলো । এই নাটকও সম্পূর্ণ বানানো । সবাইকেই নিজের নিজের পার্ট দেওয়া হয়েছে । আত্মারা সকলেই একইরকম , তাদের মধ্যে কোনো তফাত নেই । এমনও নয় যে তোমাদের সকলের আত্মা খুবই ছোটো , আর বাবা বড় । না , আত্মা কখনো ছোটো বড় হয় না । আত্মা এই ৮৪ জন্মের পার্ট রিপিট করে । এর কখনোই শেষ হয় না । একটা আত্মা কতখানি সার্ভিস করে । এই অবিনাশী পার্ট কখনোই শেষ হবে না । এই কথা কি কোনো বিদ্বান , পণ্ডিত , শাস্ত্রের আধিকারিকরা জানে ? এই ছোটো আত্মার মধ্যে কতখানি ভারী পার্ট রয়েছে । পরমপিতা পরমাত্মাও এই নাটকের অধীনে । এই পার্ট করার জন্য তিনিও বাঁধা , সঠিক সময়েই তিনি আসবেন । তাঁকেও তাঁর অভিনয় সঠিক সময়েই করতে হবে , সবাইকেই সুখী করতে হবে । তোমরা খেয়াল করো যে আত্মা কি ? শিববাবার আত্মাও খুবই ছোটো বিন্দুর সমান । কেউই এমন ছোটো একটি জিনিসের পূজা করতে পারে না । তাই ভক্তিমার্গের জন্য বড় করে বানানো হয় , যার পূজা মানুষ করতে পারে । যাঁকে শিব বা রুদ্র বলা হয় । এই শিব হলেন বিন্দুর মতো । মানুষ তাই কপালে তিলক দিয়ে থাকে । এখানে এই কথা খুবই বোঝার বিষয় , কারণ আর কেউই এই কথা বোঝাতে পারবে না । এই কথা বাবাই বসে বুঝিয়ে বলেন , এ অতি সুক্ষ্ম কথা । বাবা বোঝান যে -- বাচ্চারা দেখো , আত্মা কতো ছোটো । আর এই আত্মার শরীর দেখো কত বড় । এখন এই সময় সকলের আত্মা এবং শরীর দুইই পতিত । এখন আবার তা পবিত্র হতে হবে । তোমরা অব্যভিচারী হও , একের কথাই শোনো । একজনকেই স্মরণ করো । আহা ! বাবা আপনি তো কামাল করে দেখান । আপনি কতো জ্ঞানের কথা শোনান । আর কারোরই এই জ্ঞান দেবার শক্তি নেই । তোমাদের চড়তি

কলা এখনই হয় যখন বাবা এসে তোমাদের পড়ান। এইসময় সকল মানুষই পতিত, তাই বাবা বলেন - আমিই সকলের উদ্ধার করার জন্য আসি। রাত থেকে জ্ঞানের আলোর দুনিয়ায় যাবার জন্য রাস্তা আমিই বলি। গায়নও আছে, অন্ধকে পথ দেখাও .....সকলেই বলে আমরা নয়নহীন, আমাদের পথ দেখাও? কোথাকার পথ? নিজের ঘরের পথ। এখানে তো অনেক দুঃখ। বাবা, আমাদের অন্ধের লাঠি তো আপনি। "বাবা" এই অক্ষরেই বর্ষা বা সম্পত্তির কথা স্মরণে আসে। প্রভু বা ঈশ্বর এই কথা বললে বর্ষার নেশা হয় না কেননা ভগবান কাকে বলা হয়। স্বমেব মাতাশ্চ পিতা .....এ তাঁরই মহিমা। মানুষ বলে যে বেদ হল অনাদি। কিন্তু তাদের জিপ্তোস করো, কবে থেকে পড়ে আসছো? সত্যযুগ থেকে কি? সেখানে তো কোনো শাস্ত্রই থাকে না। এই শাস্ত্র হলো ভক্তিমার্গের। মানুষ কিছুই জানে না। বাবা বলেন, এখন আমি এসে তোমাদের সব শাস্ত্রের সার বুঝিয়ে বলি এই ব্রহ্মার দ্বারা। ব্রহ্মা বাচ্চা কি আমার নাকি বিষ্ণুর নাভি থেকে বেরিয়েছে! ব্রহ্মা তো শিবের সন্তান। বিষ্ণুর তো কোনো সন্তান নেই। হ্যাঁ, ব্রহ্মাই পরবর্তী সময়ে বিষ্ণু হয়। তারপর এই বিষ্ণুই আবার ৮৪ জন্মের পরে ব্রহ্মা হয়, এ হলো খুবই গুহ্য রহস্যের কথা, যে কথা তোমরা বাচ্চারাই বুঝতে পারো। এখন এই ব্রহ্মা মুখ দ্বারাই তোমাদের ব্রাহ্মণ বাচ্চাদের জন্ম হয়েছে তাহলে কত নেশা আর খুশীতে তোমাদের বাচ্চাদের থাকা উচিত। আচ্ছা।

মিষ্টি - মিষ্টি হারানিধি (সিকীলধে) বাচ্চাদের প্রতি মাতা - পিতা, বাপদাদার স্মরণ, ভালোবাসা আর সুপ্রভাত। রুহানি বাবার রুহানি বাচ্চাদের নমস্কার।

\*ধারণার জন্য মুখ্য সার\* :-

১) সম্পূর্ণ পবিত্র হওয়ার জন্য অব্যভিচারী হতে হবে। এক বাবার থেকেই শুনতে হবে, আর একজনকেই স্মরণ করতে হবে।

২) ঈশ্বরের সহযোগী হয়ে এই ভারতকে পবিত্র বানানোর সেবা করতে হবে। এক বাবার সাথেই প্রীত বুদ্ধি রাখতে হবে।

\*বরদান :- দূঢ় সংকল্পের দ্বারা অসম্ভবকে সম্ভব করে এবং সফলতার অনুভব করে নিশ্চিত বিজয়ী হও ( ভব ) \*।

সঙ্গম যুগের বিশেষ বরদান হলো -- অসম্ভবকে সম্ভব করা। তাই কখনো এমন ভেবো না যে এটা কেমন করে হবে। "কিভাবে" এর জায়গায় ভাবো "এমনভাবে হবে"। এই নিশ্চয়তার সাথে চলো যে এই কাজ হয়েই আছে কেবল প্রত্যক্ষভাবে আনতে হবে, রিপোর্ট করতে হবে। তোমাদের দূঢ় সংকল্পকে ব্যবহার করো। এই সংকল্পে যদি "বা কেন?" চিন্তা না হয় তাহলেই নিশ্চিত বিজয়। দূঢ় সংকল্পকে ব্যবহার করা অর্থাৎ সহজ সফলতাকে প্রাপ্ত করা।

\*স্লোগান :- সর্বদা সর্বময়কর্তা বাবার স্মৃতি যদি থাকে তাহলে মান এবং অভিমান সমাপ্ত হয়ে যাবে\*।